



UNIVERSITÄTS-  
BIBLIOTHEK  
PADERBORN

# Universitätsbibliothek Paderborn

## Kirchen Calender

Goldwurm, Kaspar

Franckfort am Mayn, 1574

xxij Joseph der vierdt Patriarch.

[urn:nbn:de:hbz:466:1-46206](https://nbn-resolving.org/urn:nbn:de:hbz:466:1-46206)

sto im Glauben gestärcket worden / hat er das Euangelium beständiglich in Parthia geprediget. Eusebi. lib. 3. cap. 5. D. Hieronymus schreibet / daß er den Persis / Medis / Carnanis / Bactris / vnd Indis / das Euangelium geprediget / vnd weyt außgebreytet habe / Endlich ist er vonn den Abgöttischen Henden geköpfft / vnd von diesem elenden leben / in die ewige freude geschickt worden. Calimna in India ligt er begraben.

mas  
**J**  
 xxiij  
 Joseph  
 Patri-  
 arch.

**J**eser ist der fürnemen Patriarchen einer / von welchem an der Königl. Stamme Christi / biß auff den König David / erweyert worden. Ist gewesen ein Sohn Jacobs / von Rachel geboren / Genes. 37. Er ist wie Christus von seinen engen Brüdern gehasset / vnd in Egypten verkaufft worden / Genes. am 39. Ist auch von seines Herren des Hofmeisters weib / vnzucht mit ihr zutreiben / häfftig angefochten worden / aber er hat sich in dem allen in beständiger keuschheit gehalten / darumb er vonn der Huren / fälschlich bey seinem Herren beklaget / vnd in das Gefängnuß geworffen / endlich aber wunderbarlich durch Gottes hülf erlediget / vnd in Egypten zu grosser herrlichkeit erha-



erhaben worden/ Also/ daß ihm alle seine Brü-  
 der/ nach laut seines Traums / mußten vnder-  
 worffen sein. Er ist hundert vnd zehen Jar alt  
 gewesen/ in Egypten gestorben/ vnd von seinen  
 Brüdern/ nach irer Väter gewonheit/ begra-  
 ben worden. Von diesem Patriarchen Joseph/  
 habe ich ein besonder Büchlin zu Wittenberg  
 in Truck lassen außgehen / Anno 1551. den 1.  
 Januarij / inn welchem das ganz leben vnd  
 Reich Christi / Geistlicher weyse / abgemahlet  
 vnd beschrieben wirdt.

**J**hesus ist ein fürtrefflicher Prophet / auß  
 dem geschlecht Juda geborn/ Er hat lang  
 zuvor weißgesagt / wie das Haus Juda vnd  
 Israel durch Senacherib sol gestrafft vnd ver-  
 stört werden / welches auch nachmals also ge-  
 schehen. Auch hat er gweissagt von dem Reich  
 Christi/ vnder dem Neuwen Testament / vnd  
 wie dasselbig im ende der Welt solt auffgeha-  
 ben werden. Hat auch gweissaget/ wo vñ wie  
 Christus vnser Heylandt solt geboren werden/  
 nemlich zu Bethlehẽm Juda / Michæe 5. Da-  
 hin auch die Schriftgelehrten Herodem den  
 König weisen / Matth. am 5.

mo  
 G  
 xxiii  
 Miche  
 as.